



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 20/838	Løpenr: 20/8881
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	28.10.2020	064/2020

Faste saker

28.10.2020 Kommunestyret:

Handsaming i møtet:

Godkjenning av innkalling og sakliste

Ordførar Knut Harald Frøland (Bl) foreslo at følgjande to ekstrasaker vart tekne inn på saklista:

- Reistadliane 39 - mogleg løysing
- Kjøp av branntankbil

Ordføraren foreslo at saka om Reistadliane 39 vart handsama som første sak etter sak 064 (Faste saker), og at saka om kjøp av branntankbil vart handsama heilt til slutt i møtet. Kommunestyret slutta seg til forslaget til ordføraren. Dei to sakene vart som følgje av dette sett inn på saklista, som saknummer 083 og 084.

Ordføraren forslø òg at sak 072 og 081 skulle handsamast først i møtet, etter saka om Reistadliane 39. Kommunestyret slutta seg til dette forslaget.

Odd Arne Haga (Frp) orienterte om at han ikkje fekk opna to av vedlegga som var lagt ut i møteportalen. Dette gjald vedlegg 1 i sak 074 og 075. Andre kommunestyrerepresentar hadde heller ikkje fått opna desse to vedlegga. Administrasjonen vart bedt om å finna ut kva som er årsaka til at desse vedlegga ikkje kunne opnast i møteportalen, for å unngå tilsvarande problem i framtidige møte. Administrasjonen vart òg bedt om å visa dei to aktuelle vedlegga på storskjermen i møtelokalet under handsaminga av dei aktuelle sakene, noko administrasjonen stadfesta at dei kunne gjera.

Odd Arne Haga (Frp) orienterte òg om at det ikkje var mogleg å klikka på/opna lenker i saksdokumenta i møteportalen.

Solveig Vassenden (Bl) spurde kvifor sak om handlingsplan for "Leve heile livet" ikkje stod på saklista. Rådmann Ingebjørg Vamråk orienterte om at denne saka kjem opp i neste møterunde i formannskapet og kommunestyret.

Det var ingen andre merknader til innkallinga eller saklista.

Eventuelle merknader til protokoll frå førre møte:

Ingen merknader.

Ordføraren orienterer:

Pilotordning Fritidskort

Ordførar Knut Harald Frøland (Bl) orienterte om at Bufdir vidarefører pilotordninga med fritidskort, men at dei ikkje har lagt ut nokon frist for nye søknader. Sidan Samnanger kommune ligg inne med søknad saman med mange andre, kan me verta aktuelle seinare. Midlane for gjeldande periode er for haust 2020 og vår 2021. Regjeringa har framlegg om at utprøvinga vert vidareført, og vert utvida med 10-20 nye kommunar neste år. Det er sett av 180 millionar kroner i 2021-budsjettet, tre gongar meir enn i 2020.

Rådmannen orienterer:

Utlysing av stilling som rådgjevar helse

Rådmann Ingebjørg Vamråk orienterte om at ei stilling som rådgjevar helse snart vil verta lyst ut. Ho informerte òg om at denne stillinga vert oppretta ved ompriortering av eksisterande stillingsressursar, om kvifor det er behov for denne stillinga og kva hovudoppgåver som skal liggja til stillinga.

Utvalet sitt kvarter:

Nedlegging av interkommunalt kols- og diabetesteam

Karl Bård Kollbotn (Frp) orienterte til vedtak i Bjørnafjorden kommunestyre om å leggja ned det interkommunale kols- og diabetesteamet som Samnanger er med i. Han bad om at ordføraren og rådmannen tek kontakt med Bjørnafjorden kommune om denne saka, og kjem med bekymringsmelding.

Smittevern

Anja Elisabeth Gjerde Markus (Bl) viste til utviklinga i koronapandemien, og oppmoda alle om å følgja smittevernregane. Ho peika spesielt på tiltak som å halda avstand og å testa seg. Ho spurde òg om Samnanger vil innføra dei same tiltaka som omeignskommunane til Bergen har innført og orientert om i media 28.10.2020. Ordførar Knut Harald Frøland (Bl) orienterte om at Samnanger er med på samordninga av tiltak mellom omeignskommunane til Bergen.

Anja Elisabeth Gjerde Markus spurde òg om gjennomføringa av friminutt ved barneskulen, og viste til at alle elevane på skulen har friminutt samstundes. Rådmann Ingebjørg Vamråk orienterte om at elevane (kvar kohort) har friminutta sine på separate område.

Innspel til Skyss om busstilbodet i Samnanger

Øyvind Strømmen (MDG) viste til brev frå Skyss som vart sendt ut i slutten av september, der Skyss ber om innspel om busstilbodet. Han spurde om Samnanger kommune har sendt inn, eller vil senda inn, innspel til Skyss. Han peika mellom anna på at god busskorrespondanse i Arna er viktig for Samnanger. Ordførar Knut Harald Frøland (Bl) orienterte om at administrasjonen ikkje har arbeidd med denne saka no. Han orienterte òg om at det kanskje kan tenkjast andre løysingar for betring av transporttilbodet i Samnanger enn bruk av Skyss, for eksempel utvida bruk av drosje/"drosjeruter".

Brukarbetaling på dagsenteret

Solveig Vassenden (Bl) orienterte om at eldrerådet på sist møte vedtok ei tilråding til budsjettet for 2021 om å fjerna brukarbetalinga for opphald på dagsenteret (som no er 90 kroner pr. dag). Ho sa at minstepensjonistar ikkje har råd til å bruka dagsentertilbodet, der det no er brukarbetaling for både transport, opphald og mat.

Einvegskøyning i Hagabakkane

Lena Tveit (Bl) viste til trafikkproblema i Hagabakkane, og foreslo at det neste år vert innført einvegskøyning på dagar med fotballkampar, for eksempel frå kl. 17.00 til 20.30.

Interpellasjonar

Framstegspartiet hadde sendt inn sju interpellasjonar til kommunestyremøtet 28.10.2020. Ordførar Knut Harald Frøland (Bl) orienterte innleiingsvis i møtet om at berre tre av desse ville verta handsama 28.10.2020. Han orienterte òg om at Framstegspartiet ønskte å lesa opp dei fire interpellasjonane som ikkje kom opp til handsaming på møtet.

Dei tre interpellasjonane som vart handsama i møtet, ligg som eigne saker lenger bak i møteprotokollen.

På slutten av møtet - etter handsaminga av sak 084 - viste ordføraren til Framstegspartiet sitt ønske om å lesa opp dei fire interpellasjonane som ikkje kom opp til handsaming i møtet. Karl Bård Kollbotn (Frp) orienterte då om at Frp i staden kunne senda desse interpellasjonane på e-post til medlemmene i kommunestyret. Dei fire interpellasjonane vart derfor ikkje lest opp. Etter dette var det ein diskusjon i kommunestyret om kva som skal skje vidare med desse fire interpellasjonane, og om kva reglar som gjeld for spørsmål og interpellasjonar. Det vart òg drøfta om Samnanger kommune sitt reglement og praksis kan vera i strid med kommunelova. Karl Bård Kollbotn og Odd Arne Haga (Frp) bad om å få inn følgjande protokollmerknad i møteprotokollen:

- *"Samnanger Frp viser til kommunelova § 11-2, der det står at alle medlemmer kan stilla spørsmål til leiaren (ordføraren). Frp har stilt sju slike spørsmål i interpellasjonar, der ordføraren har nekta å svara på fire av desse. Dette meiner Samnanger Frp er brot på kommunelova."*

KS- 064/2020 Vedtak:

Møteinnkallinga og saklista vert godkjent. Orienteringssaker/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Delegerte vedtak/referatsaker vert tekne til orientering.

Oversikt over faste saker:

Godkjenning av innkalling og sakliste.
Eventuelle merknader til protokoll frå førre møte.
Delegerte vedtak/referatsaker.
Utvalet sitt kvarter.

